

Morning Dogri (NSD) National News Bulletin 26-11-2024

आकाशवाणी

- मुख्य अज्ज अपना 75मां संविधान दिवस मना'रदा ऐ। राष्ट्रपति द्रौपदी मुर्मू होर संसद दी दौनें सदनें गी संबोधत करगन।
- प्रधानमंत्री नरेन्द्र मोदी होर सुप्रीम कोर्ट च संविधान दिवस समारोह च शामिल होंगन।
- आर्थिक मामले सरबन्धी मंत्रिमंडल कमेटी नै आमदन टैक्स मैहकमे दी पैन 2.0 परियोजना शुरू करने दी मंजूरी देई दित्ती ऐ।
- मौसम सरबन्धी मैहकमे नै मुख्य दे दक्खनी राज्ये च बड़ी भारी बरखा ते हिमाचल प्रदेश च बड़ी मती धुंध दी पेशगोई कीती ऐ।
- इजराइल दा मंत्रिमंडल अज्ज तेल अवीव च इजराइली रक्षा बले दे सदरदफ्तर च लैबनान कन्ने लड़ाईबंदी सरबन्धी समझौते पर चर्चा लेई मलाटी करोग।

<><><><><><>

Constitution Day

अज्ज संविधान दिवस ऐ। अज्जै दे रोज 1949 च संविधान सभा आस्सेआ संविधान गी स्वीकार कीता गेआ हा ते मगरा 26 जनवरी 1950 गी इसी लागू करी दित्ता गेआ हा। संविधान दिवस दी कीजे एह 75मीं ब8रेगंड ऐ इस करियै अज्जै थमां साल भर चलने आले समारोहें दी शुरूआत बी कीती जा'रदी ऐ। एह समारोह 26 नवम्बर 2025 तगर मुख्य भरै च आयोजत कीते जांगन। इस मौके पर अज्ज संविधान सदन दे केन्द्री कक्ष च लोआए जाने आले इक बड्डे समारोह च राष्ट्रपति द्रौपदी मुर्मू संसद दे दौनें सदनें गी संबोधत करगन। इस मौके पर उपराष्ट्रपति जगदीप धनखड़, प्रधानमंत्री नरेन्द्र मोदी, लोकसभा दे अध्यक्ष ओम बिरला ते दिल्ली स्थित दूतावासें दे प्रमुख बी मजूद रौहगन। संविधान दिवस दे मौके पर इक यादगारी सिक्का, इक डाक टिकट ते दऊं कताबां बी जारी कीतियां जांगन। एह्दे अलावा संविधान दा संस्कृत ते मैथिली भाषा च संस्करण बी जारी कीता जाग।

<><><><><><>

Modi Constitution Day

प्रधानमंत्री नरेन्द्र मोदी होर अज्ज सुप्रीम कोर्ट च आयोजित संविधान दिवस समारोह च शामिल होंगन। इस मौके पर ओ मजूद लोकें गी संबोधत बी करगंन। एह्दे इलावा मोदी होर न्यायपालिका दी सलाना रिपोर्ट बी जारी करगंन। इस मौके पर केन्द्री कनून मंत्री अर्जुन राम मेघवाल, मुख्य न्यायधीश जस्टिस संजीव खन्ना ते सुप्रीम कोर्ट दे होर जज बी मजूद रौंहगन।

<><><><><><>

Mandaviya Padyatra

केंद्रीय युवा मामले ते खेड मंत्री मनसुख मांडविया होरें नमी दिल्ली च हमारा संविधान हमारा स्वाभिमान पदयात्रा च हिस्सा लैता। एह पदयात्रा भारतीय संविधान दे संस्थापक सदस्यें दे नजरिऐ दा सम्मान करने आस्तै आयोजित कीती गई ही। साहडे संवाददाता नै दस्सेआ जे इस मौके पर केंद्रीय मंत्रियें, सांसदें, ओलंपिक एथलीटें ते युवाएं सनें सारे प्रतिभागियें संविधान दी प्रस्तावना दी सगंध बी लैती।

<><><><><><>

CCEA-IT

आर्थिक मामले सरबंधी मंत्रिमंडल कमेटी नै आमदन टैक्स मैहकमे दी पैन 2.0 परियोजना शुरू करने दी मंजूरी देई दिक्ती ऐ। इस परियोजना उप्पर 1 ज्हार 435 करोड़ दी लागत औग। मंत्रिमंडल दी बैठक मगरा सूचना ते प्रसारण मैहकमे दे मंत्री अश्विनी वैष्णव होरें आखेआ जे इस योजना तैहत मजूदा सरिस्ते गी पूरी चाल्ली अपग्रेड कीता जाग ते एकिकृत पोर्टल स्थापत कीता जाग। उनें आखेआ जे पैन 2.0 च बेहतरीन साइबर सुरक्षा दे उपाह होंगन। श्री वैष्णव होरें जानकारी दिक्ती जे पैन नंबर हुए रौह्ग जेहड़ा ऐ।

<><><><><><>

CCEA Hydro

आर्थिक मामले सरबंधी मंत्रिमंडल कमेटी नै अरुणाचल प्रदेश दे शीयोमी जिले च हियो पनबिजली परियोजना दे निर्माण लेई मंजूरी देई दिक्ती ऐ।

इस परियोजना च 1 ज्हार 939 करोड़ रपे दा निवेश कीता जाग ते इसगी 50 म्हीनें च पूरा करने दी समें—सीमा तैह कीती गई ऐ। सूचना ते प्रसारण मंत्री अकश्वनी वैष्णव होरें जानकारी दित्ती जे 240 मेगावाट दी समर्थ आली इस परियोजना कन्नै 10 लक्ख युनिट ऊर्जा दा उत्पादन कीता जाग। श्री वैष्णव होरें जानकारी दित्ती जे मंत्रिमंडल कमेटी नै शीयोमी जिले च 1 ज्हार 750 करोड़ दी लागत कन्नै बनने आली 186 मेगावाट टाटो—1 पनबिजली परियोजना गी मंजूरी देई दित्ती ऐ।

<><><><><><>

CCEA Railway

आर्थिक मामले सरबन्धी मंत्रिमंडल कमेटी नै 7 ज्हार 927 करोड़ रपे दी लागत आली रेलवे दी त्रै परियोजनाएं गी मंजूरी देई दित्ती ऐ। इनें परियोजनाएं च 160 किलोमीटर लम्मी मनमाद—जलगांव बश्कार चौथी पटरी, 131 किलोमीटर लम्मी भूसावाल—खांडवा बश्कार त्री ते चौथी पटरी ते 84 किलोमीटर लम्मी प्रयागराज—मानिकपुर बश्कार त्री पटरी दा निर्माण शामिल ऐ। होर नमियां पटरियां बदाने सरबन्धी इनें परियोजनाएं कन्नै रश घटोग कम्म—कारवाइएं च सखाल होग ते मूल ढांचे दा विकास होग।

<><><><><><>

IMD

मौसम विभाग नै तमिलनाडू, पुदुचेरी ते कराईकल च केई थाहरें पर बरखा होने दी पेशगोई कीती ऐ। केरल, माहे, तटीय आंध्रप्रदेश ते यम च तेज बरखा होई सकदी ऐ। अगले 4 दिनें तगर राजस्थान गी छोड़ियै उत्तर पच्छिम भारत च घट्टोघट्ट तापमान 2—3 डिग्री सैल्सियस दी गिरावट होई सकदी ऐ। हिमाचल प्रदेश च अगले 3—4 दिन तगर रातीं ते बडलै घना कोहरा छाए दा रौहग।

<><><><><><>

Odisha Session

ओडिशा विधानसभा दा स्याले आला इजलास अज्जै थमां शुरू होआ8रदा ऐ। सत्र दे पैहले दिन राज्य दे वित मंत्री मोहन माझी ब'रे 2024—25 दा पूरक बजट पेश करगंन। विनियोजन विधेयक 5 दिसम्बर गी पेश कीता जाग। विपक्षी बीजू जनता द लते कांग्रेस नै सत्र दरान बेरोजगारी, जरूरी चीजें बस्तें दी बधदी कीमतें ते राज्य च कनून बवस्था दी स्थिति दा मुद्दा पुट्टने दा फैसला लैता ऐ।

<><><><><><>

Israel Ceasefire

लैबनान कन्नै संघर्ष विराम दे मुद्दे पर चर्चा आस्तै लैबनान च मंत्रिमंडल दी बैठक होग। मीडिया दी खबर च आखेआ गोआ ऐ जे इजराइल दे प्रधानमंत्री वेन्यामिन नेतप्याडू होरें हिज्बुल्ला कन्नै संघर्ष विराम दे प्रस्ताह गी सैद्धोतिक मंजूरीदेई दित्ती ऐ ते मंत्रिमंडल रु एह्दे पारित होई जाने दी संभावना ऐ। इस दरान इजराइल दे राष्ट्रीय रक्षा सुरक्षा मंत्री इतामार बेन होरें इस प्रस्ताह दा विरोध कीता ऐ।

<><><><><><>

Delhi Pollution

सुप्रीम कोर्ट नै हवा दी गुणवत्ता सरबंधी प्रबंधन आयोग गी दिल्ली सनें राष्ट्रीय राजधानी आले क्षेत्रें च शिक्षा संस्थानें च कक्षाएं पर जारी पाबंदिएं पर टिल्ल देने पर बचार करने दा निर्देश दित्ता ऐ। पिछले हफ्ते गंभीर वायु प्रदूषण करी विद्यार्थिएं गी स्कूल ते कालेज जाने पर रोक लाई दित्ती গেई ही। न्यायधीश अभय एस.ओका ते ऑगरूटीन जार्ज मसीह हुंदी पीठ ने आखेआ ऐ जे ऐसे विद्यार्थिएं दी गिनतरी बड़ी मती ऐ जिंदे घरें च एह्दा प्यूरीफायर नेई हैन। इस करी घर पर रौहने आले बच्चें ते स्कूल जाने आले बच्चें च कोई खास फर्क नेई ऐ। अदालतै आयोग गी इस सरबंधे च फैसला लैने लेई आखेआ ऐ।

<><><><><><>